



22. november 2019

UKA 2019/120
Aqqalu C.Jerimiassen

Meeqqat atuarfianni naammassisut amerlanerpaat ilinniartitaanerup iluani ingerlaqqittarnissaat qulakkeerniarlugu meeqqat atuarfiata siunertaata qanoq ittuuneranik ittuusariaqarneranillu naatsorsuutiginninneq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Sofia Geisler, Inuit Ataqatigiit)

Assigiinngitsorpassuarnik eqqarsaasorsinnaasaqaagut meerartatta qanoq siunissaqarnissaannut aqutissiuussinissamik pilersaaruteqalersilluta. Tamattalumi ajunnginnerpaaq anguniarlugu iliuuseqarniartarnerput aalluttuartaarput.

Eqqarsarnarsinnaasut ilagisaat uanni tassaakkajuttarpoq, meeqqat atuarfianni aqqissuusseqqinnermi ukiumik ataatsimik atuarnepur sivikillineqarsimanera. Naammassisorlumi suli inerisimaleqqajangitsoq ilinniaqqinnissaanik aqutissiuunnialereertaraarput.

Børnehaveklasse nunarpassuarni allani atuuttuusoq nunatsinnut eqqunneqarsinnaanera takorluungaasinnaavoq, tassuunakkullu atualerlaat perorsaarnermik ilinniangaqartut bacheloritut naammassisimasut ukiumi siullermi ilinniartitsisorineqarsinnaalluarmata.

Nunatta siunissaanik taasakkaguttaaq pitsaasumik atuarnepuranni ilikkagaqarnissaat tamatta minitaasoqarata anguniangaraarput, angajoqqaallumi tasanissaq atuartuutiminnut ingerlalluatuutitsinissamut qitiulluinnarnissaat avaqqunneqarsinnaanngilaq. Angerlarsimaffik toqqissisimanartoq sunut tamanut qitiuvoq, angerlarsimaffiummi toqqissisimanartup meeraq ilikkarsinnaassusaanik annertuumik sunnissammagu, tassuunakkut perlilerani iluamik ullaakkorsiorsimatilluni atuariartornissaa pingaartuummat. Meerarmi toqqissisimalluni inuussasoq tamani pingaarnepajuussaaq, meerannguaq minguitsoq pisuussuseqanngitsoq siunissaata aqutissiuunnissaa tamami pingaarnepajuussaaq qaqugukkulluunniit.

Meerartaqarpugullissaaq immikkut pikkorilluinnartunik, tamakkunungali immikkut aaliangersakkanik sunilluunniit peqanngilagut, meerartagut siuarsimalluurtut atuaqatigiit iluini suli ingerlaqqilluarsinnaangaluit meeqqat allat malinnaasumik ilikkariartoqataanissaat piniarlugu kinguussaaqqangaluilluunniit immikkut pikkoriffillit pilliutaasariaqanngillat. Nunarput siunissamut qarasarissunik sulisoqarnissamini atorfissaqartitseqaaq, taakkuuppullu immikkut iluatinnaatilittut takusinnaasariaqaraluakkagut.

Nunat allattaaq isigeriaraanni, meeqqat atuarfianni inuussutissarsiornermut aningaasarsiornermullu tunngatillugu allaat ukiumi kingullermi atuarfigisaminni atuartinneqartarput. Tassani nammineq assersuuteqalaassaguma eqqaasinnaavara, Irlandimiillunga angajoqqaarsianni ernerat atuarfimminiik naammassinermi ataatillugu aningaasarsiornermi atuartitaanerup angusarissaarnerpaasimalluni immikkut ittumik Bank of Ireland-iminngaanniik nersornaatinnattoq. Tamakkuusinnaangaluarputtaaq angusaqarusussutsumik annertuumik siunnerfiliisinnaangaluit eqqarsartaatsip atuartitaanerup iluani allannqortilaarsinnaaneratigut.



Siunissaq ungasinnerusoq allaanerulaamik ingerlariaaseqartoqalerneratiguttaaq meerartatta paasiartulereersinnaasariaqarpaat siunissaq suna orninnerlugu, assersuutingalugu siunissami namminersortunngorsinnaanermut sinnattut annertunerusut pilererseersinnaassavaat eqqarsaatigissangaanni aningaasarsiornerup inuussutissarsiornerullu atuartitsissutigineqartarsinnaanera.

Oqallisissiamullu soqutiginartumut qujanaq.